



SchlössliTimes

Heimspiil Extra

Ussgob 22

November 2016

In dere Ussgob:

9mol entweder oder...	1
Bricht Mökkefestival 23.01.16 Würelinge	2
Latärndlihöckler Luzern	3
Märtfraueli Basel	4
Oktaväsumpfer Büsserach	5
Guggi Zunft zu Olte	6
Sädelgeischer Zufikon	7
Schänzli-Fäger	8

Immer ufem laufende uf:

www.schloessli-schraenzer.ch

Heimspiil 19.11.2016

Liebi Fründe vom organisierte Fasnachtslärm!

In chürzi isches wieder sowit! Zum 11te mol lade d'Schlössli-Schranzer zu ihrem Heimspiil in dr neu renovierte Löhrenackerhalle in Aesch i!

D' Vorbereitige sind scho wit fortgschritte und s'Programm stoht. Im Heimspiil OK hets sit dr letschte Ussgob e paar Änderige gäh. Und trotz, oder grad wäge de neue Lüt am Rueder het wieder alles wunderbar klappt. Neui Idee sind in d'Planig igflosse und wärde au grad umgesetzt am 19. Novämber! Mir wärde e Bierzält in dr Halle ha, wo d'Bsuecher verschieden

Biersorte dörfe gniesse. Vom kühle Blonde bis zum herbe Dunkle wird alles abote!

Natürlich hämmer au wieder top Guggesound z'biere! 6 Gaschtgugene, drei vo Noch... und dero vo Färn, begrüesse mr bi uns in Aesch. Genauers über unseri Gäscht erfahred ihr uff de nägschte Site vo dere Ussgob!

Zwüsche de Guggene hämmer das Johr au e Premiere. Dr Dominik Heller vo Energy Basel wird für gueti Stimmig und top Sound sorge. Er wo ihn Aesch uffwachse isch, het also e Heimspiel am „Heimspiil“! Ebefalls in dere Ussgob finde mr no dr Bricht vo unse-rem Ufftritt am Mökkefestival in Würelinge vom 23. Januar 2016... chli verspötet, ich weis! Aber irgendwie isch mr dä in dr letschte Ussgob dur d'Lappe... Sorry Mario :-*

Also, mir sehn uns Alli am 19.11.2016, z'Aesch in dr Halle! Bis denn!

Matti-Babbe-Fischi

9mol entweder oder mit... Christian Wipf

Zoggeli oder Schueh?

[Schueh.. jo i weiss](#)

Konfetti oder Röppli?

[Röppli](#)

Harlekin oder Waggis?

[Waggis](#)

Pub oder Schöppli-Bar?

[Zersch ins Pub dänn in Schöppli-Bar](#)

Kaffi Lutz oder Bier?

[Kaffi Lutz](#)

Schnipo oder Hörnli mit Ghacktem?

[Hörnli mit Ghacktem oder grad e Doppeldecker](#)

Vorne im Car oder hinde im Car?

[Was füre Frog... hinde](#)

Wanderer“ oder „Elton“?

[Elton](#)

Polonaise oder „Line Dance“?

[Polonaise mit „Ich und mein Holz“](#)

Uftritt am Möckefestival in Würelinge

Nach däm mir am 23.01.2016 am Morge vo Dottikon heim cho sinn, isch es am Obe bereits wieder ins Aargau zu de Möcke ans Festival gange.

Dr Wäg uf Würelinge kenne mr bereits us unsere vergangene Uftritt bi de Steibruchschränzer, so hänn mir mitlerwiile dr Proviant für im Car im Griff.

Mit em Möckefestival und dr schwizwit bekannte Halledecoration het dr Michel eine vo de beliebteste Uftritt für uns chöne an Land zieh.

D Fahrt nach Würelinge isch wie immer sehr rasch verby gsi und mir sinn pünktlich und hungrig bi dr Wisseseihalle a cho.



Unseri Mitglieder sinn gwundrig in d Halle ihne cho und hänn mit grosse Auge dörfe gniesse was d Möcke uf d Bei gestellt hän. Es isch nid ur die grossi 3-fach Turnhalle wo ydruck macht, sondern au s Material und vorallem s „Holz“!!! ;-)) wo d Möcke in dere Halle vo Joor zu Joor zu tolle Bars und sunschtige Objäkt zämmeschruube.


„Theemöcke Gugge Würelinge“..... bekannt als Möcke, isch e sehr traditionele Verein und besteht zu 101% us Männer.....me mungglet, dass sie au nur singel-Männer us em eigene Dorf ufnäme und me e stück Land mues bsitze....Bi dr ufnahm vo neue Mitglieder wird also sehr gnau recherchiert !!! ;-))

Mit tolle Guggene und userem glungene Uftritt (zunere agnähme Zyt:-), hänn mir dr Obe chöne gniesse und es het an nüt gfehlt.

D Reis nach Würelinge und dr Uftritt am Möckefestival isch au scho bereit s'letschte Uswärtsspiel vo uns Schlösslis gsi und mir blicke uf tolli Gugge-Öbe und luschtige Reisli in dr Schwiz und em noche Usland zruug.

D'Frau Fasnacht isch das Jahr sehr frieh cho und unseri Tour isch kurz und knapp gsi, bevors nach däm Ussflug im stundetakt richtig Aescher-Fasnacht gange isch.

Mir DANKE de Möcke für die tolle Ydruck wo mir us Würelinge hän dörfe mitheime nä und freue uns bereits jetzt uf e wilers traffe.... irgend wenn - irgend wo.



Gaschtguggene - Heimspiil



Gründigsjoochr:	1981
Musikalischi Leitig:	Marion Zibung
Präsidiäntin:	Natascha Stucker
Azahl Mitglieder:	52
Homepage:	www.lhl.ch
Aalass:	Höckler Night





Gründigsjoohr:	1980
Musikalischi Leitig:	Andrea Bischof / Reto Krummenacher
Präsidiänt:	Daniel Schmutz
Azahl Mitglieder:	33
Homepage:	www.maertfraueeli.ch
Aalass:	Eigeni Bar an dr Bundesfiir am Rhy





Gründigsjoohr:	1986
Musikalischi Leitig:	Stephanie Schnelli
Präsident:	David Borer
Azahl Mitglieder:	38
Homepage:	www.oktavaesumpfer.ch
Aalass:	Masggebball Büsserach 25.02.2017





Gründigsjoohr:	1956
Musikalischi Leitig:	Stephan von Arb
Präsidiänt:	André Hess
Azahl Mitglieder:	50
Homepage:	www.guggizunft.ch
Aalass:	Guggilari - 14.01.2017





Gründigsjoohr:	1990
Musikalischi Leitig:	Dave
Präsident:	Stephan Moosmann
Azahl Mitglieder:	52
Homepage:	www.saedelgeischer.ch
Aalass:	Geischerball 24.02.17/Guggeparty 26.02.17





Gründigsjoohr:	1981
Musikalischi Leitig:	Thomi Zumsteg
Präsidiänt:	Kim Walser
Azahl Mitglieder:	53
Homepage:	www.schaenzli-faeger.ch
Aalass:	Jazz uf em Platz in Muttenz



Schlössli-Schränzer Termine 2016/2017

11. November	Episode 11.11 / Häxeschränzer Gebenstorf (AG)
19. November	Heimspiel
07. Januar	Blaggeddeusgoob
14.-31. Januar	Mimösli, Häbse Theater
18. Februar	Waagefescht, Löhrenacker Areal Aesch
24. Februar	Geisterball, Sädølgeister Zufikon/ AG
25. Februar	Waagetaufi Bärefelswaggis
26.-28. Februar	Fasnacht Aesch
07. März	Fasnacht Basel